

मार्निंग डोगरी न्यूज़ बुलेटिन, समें. **09-20** Hrs

<><><><><><>

Headlines

जम्मू-कश्मीर च चुनावों प्रचार दे जोर फगड़ने दे कन्नै गै बक्ख-बक्ख सियासी पार्टिं दे नेताएं अपने हलकें लेई नामांकन भरने शुरू करी दित्ते न।

जम्मू-कश्मीर पुलसा दे डरैक्टर जनरल आर.आर. स्वैन होरें डोडा ते किश्तवाड़ दा दौरा लाइयै सुरक्षा सरबंधी हालात ते चुनावें लेई तैयारिं दा जायजा लैता।

जम्मू-कश्मीर दे मुख् चुनावों अधिकारी पी.के. पोले होरें मतदाताएं गी अपील कीती ऐ जे ओह औं दे असैम्बली चुनावें च भारती चुनावों आयोग आसेआ शुरू कीती गेदी बक्ख-बक्ख मोबाईल ऐप्लीकेशनें जिआं सी-विजिल, Know Your Candidate, सुविधा ते वोटर हेल्पलाईन ऐप दा इस्तेमाल करन तांजे मतदान कन्नै जुड़े दा उंदा तजुर्बा मता बेहतर होऐ।

प्रधानमंत्री नरेन्द्र मोदी हुंदे कन्नै दपक्खी गल्लबात परैन्त यूक्रेन दे राष्ट्रपति वोलोदिमीर ज़ेलेंस्की होरें आखेआ ऐ जे रूस ते यूक्रेन बश्कार जंग खत्म करने लेई जारी आलमी सतह दे कूटनीतिक जतनें च भारत बड़ी महत्वे आहली भूमिका निभाई सकदा ऐ।

<><><><><><>

Nomination-1

जम्मू कश्मीर च नैशनल कांफ्रेंस दे खालिद नजिद सुहरारदी होने आले चुनावें आस्तै नामांकन भरने आले पैहले मेदवार बनी गे न। चिनाब घाटी थमां नैशनल कांफ्रेंस दी टिकट पर नामांकन भरने आस्तै बड़डी गिनतरी च समर्थकें कन्नै ओह डिप्टी कमीशनर डोडा दे दफतर पुज्जे। कुसै बी मुख् राजनीतिक दल नै डोडा, किश्तवाड़, रामबन जिले सनें चिनाब घाटी आस्तै मेदवारें दी औपचारिक सूचि जारी नेई कीती ऐ। मगर सुहरावरदी होरें पार्टी थमां सैहमति थहोने मगरा अपना नामांकन भरी दित्ता ऐ। नां कांग्रेस पार्टी, ना गै बीजेपी नै चुनावें आस्तै मेदवारें दी सचि जारी कीती ऐ की जे मेदवारें दे नाएं पर सोच बचार कीता जा'रदा ऐ।

<><><><><><>

Nomination-3

प्रदेश च असेंबली चुनाएं दे पैहले गेड़ तैहत नामांकन भरने दी प्रक्रिया शुरू होने परैत कल कुलगाम जिले दे डी.एच.पारो, कुलगाम ते देवसर असेंबली हल्के च कुल 4 मेदवारें कल अपने नामांकन भरे न। इनें मेदवारें चा नैशनल कांफ्रेंस दिएं सकीना इत्तू ते अपनी पाटी दे अब्दुल मजीद पाङ्कर होरें डी.एच.पोरा हल्के लेई नामजदगी दाखल कीती ऐ। पीपुल्स कांफ्रेंस दे नैजीर अहमद लावे होरें कुलगाम हल्के लेइ नामांकन भरेआ। इआं गै पीडीपी दे मोहम्मद सरताज मदनी होरें देवसर हल्के थमां अपनी नामजदगी दाखल कीती ऐ। मेदवार औंदी 27 अगस्त गी दपैहरी 3 बजे तगर नामांकन भरी सकदे न।

<><><><><><>

Nomination-2

2 मेदवारें कल रामबन जिले च विधानसभा चुनां 2024 आस्तै अपना नामांकन दाखल कीता। विधानसभा हल्के एसी 54—रामबन ते एसी 55—बनिहाल आस्तै इनें मेदवारें अपने इावेदारी पेश कीती। पीडीपी बक्खी इमतियाज अहमद शाह होरें एसी 55 बनिहाल थमां ते सुतीश कुमार होरें आजाद मेदवार दे तौर पर एसी 54—रामबन थरमां नामांकन पत्र भरे। नामांकन भरने दा खीरी दिल 27 अगस्त 2024 ऐ ते समे दपैहरी 3 बजे तोड़ी ऐ। इनें विधानसभा हल्के च चुनाएं दे पैहले गेड़ च मतदान होग जेहड़ा गै 18 सितम्बर 2024 गी होग।

<><><><><><>

DGP-Swain

जम्मू कश्मीर पुलस महानिदेशक आर.आर.स्वैन होरें कल डोडा ते किश्तवाड़ दा दौरा लाया। उनें एह दौरा औने आले विधानसभा चुनाएं आस्तै सुरक्षा स्थिति ते दूई तैआरिएं दा जायजा लैने आस्तै लाया। डीजीपी होरें आतंकवाद गी रोकने ते शांति पूर्ण माहोल च सेही तरीके चुनां करोआने आस्तै निर्देश दित्ते। उनें जम्मू कश्मीर पुलस, सीआरपीएफ, सेना, लोक प्रशासन ते खुफिया अर्जेसिएं गी इकजुट होइयै कम्म करने आस्तै आखेआ। सुरक्षा सरबंधी मुद्दे पर चर्चा कीती गई ते आतंकवाद दी चुनौती कन्नै निबड़ने लेई तैआर कीती गई योजना बारे बी डीजीपी होरें गी दस्सेआ गेआ। इस उच्च स्तरीय बैठक च एसएसपी किश्तवाड़ अब्दुल क्यूम, एसएसपी डोडा मोहम्मद असलम होरें मजूदा सुरक्षा हालातें ते चुनां आस्तै कीती जा'रदी तैआरिएं बारे दस्सेआ।

<><><><><><>

CEO Voters

जम्मू कश्मीर दे मुख चुनां अधिकारी पी.केपोले होरें मतदाताएं गी गुजारश कीती ऐ जे ओह चुनावी प्रक्रिया च भारती चुनां आयोग आस्सेआ शुरू कीती गेदी तकनीकी सुविधाएं दा लाह ठोआन। उनें मतदाताएं पर जोर पाया ऐ जे ओह मतदाताएं दे मुआफिक मापेबाइल ऐप्लीकेशनं दा इस्तेमाल करन ते ओं दे असैंबली चुनाएं च सक्रिय भागीदारी जकीनी बनान। पोले होरें चुनां लडै करदे मेदवारें ते सियासी पाटिएं गी आखेआ ऐ जे ओह बी इनें सेवाएं दा लाह ठोआन। चुनां आयोग नै केइं सारी ऐप्स शुक्य कीती दियां न, जिंदा मकसद मतदाताएं दे तर्जुबें गी बेहतर बनाना ऐ। इंदे च सी-विजिल ऐप, Know your candidate, सुविधा ते वोटर हैल्पलाइन ऐप बगैरा शामिल न। मुख चुना अधिकारी होरें गलाया जे जम्मू कश्मीर च 88 लख 3 जहार शा मते मतदाता इनें ऐप्स दा इस्तेमाल करगंन। एहू ऐप्स एन्ड्रायड ते आइओएस दौनें मंचें पर उपलब्ध न। असैंबली चुनाएं दरान कुसै बी किसमै दी खलाफवर्जि रोकने लेई मतदाताएं गी गुजारश कीती ऐ जे ओह सी-विजिल ऐप दा इस्तेमाल करन। इस ऐप गी खास तौर उप्पर आदर्श आचार संहिता दियां खलाफवर्जियां रोकने लेई शुरू कीता गेदा ऐ। कोइ बी नागरिक इस ऐप राएं अपनी शकैत दर्ज करोआई सकदा ऐ जेहदे मगरा फ्लाइंग स्काड दियां टीमां मामलें दी जांच करगंन ते 100 मिंटे दे अंदर-अंदर कारवाई जकीनी बनाई जाग।

<><><><><><>

Poll Date Holiday

जम्मू कश्मीर सरकार नै कल घोषणा कीती ऐ जे होने आले विधानसभा चुनां 2024 दे त्रै गेडें आस्तै मतदान दे ध्याड़े आले दिन छुट्टी कीती जाग। एह चुनां 90 विधानसभा हल्कें च होने न। आकाशवाणी जम्मू संवाददाता नै दस्सेआ जे आम प्रशासन विभाग तरफा जारी आदेश दे मताबक लोकें दे प्रतिनिधित्व कनून 1951 दी 135-बी धारा हेठ त्रै छुट्टियां दी घोषणा कीती गेई ऐ। आदेश मूजब वोटिंग आले ध्याड़े पूरे जम्मू कश्मीर च तनखाई सनें छुट्टी कीती जाग। एह आदेश सारे विधानसभा हल्के च कुसै बी उद्योग, बपार जनेह निजी संस्थाने पर बी लागू ऐ।

<><><><><><>

PM-Ukraine Visit Updated

यूक्रेन दे राष्ट्रपति ब्लादिमीर जेलेंस्की होरें आखेआ ऐ जे यूक्रेन ते रूस बश्कार जंग खत्म करने लेई जारी आलमी सतह दे कूटनीतिक जतनें च भारत मती महत्वपूर्ण भूमिका नभाई सकदा ऐ। प्रधानमंत्री नरेन्द्र मोदी हुंदे आस्सेआ यूक्रेन दे अपने पैहले दौरे दरान जेलेंस्की होरें गी भारत औने दा साददा देने परैंत उंदी एह टिप्पणी सामने आई ऐ। मोदी हुंदे नै दपक्खी बैठक परैंत जेलेंस्की होरें भारती मीडिया गी संबोधत कीता।

मोदी होरें आखेआ जे रूस ते यूक्रेन गी बिजन होर चिर लाए दे किट्ठे बौहरा चाईदा ते जारी जंग गी खत्म करने दे तरीक तुप्पने लोड़चदे न। उनें आखेआ जे भारत, सदा थमां गै रमानदारी दे पक्ख च खड़ोते दा ऐ ते फरवरी 2022 च लड़ाई शुरू होने आले दिन थमां गै शांति दे हक्क च ऐ। यूक्रेन दे राष्ट्रपति होर आखेआ ऐ जे भारत वैश्विक दक्खन दे मुखे लेई यूक्रेन शांति शिखर सम्मेलन आयोजत करने दा सुझाह दित्ता ते अपना एह बचार मोदी हुंदे नै सांझा कीता। प्रधानमंत्री मोदी होरें यूक्रेन दा अपना ऐतिहासक दौरा कामयाबी कन्ने पूरा करी लैता ऐ। सोशल मीडिया दी इक पोस्ट च श्री मोदी होरें आखेआ जे भारत म्हेशां गै एह मन्नदा आया ऐ जे रमानदारी दा रस्ता सब्बने शा बेहतर उपाह हुंदा ऐ। मोदी होरे उंदी परौहनाचारी लेई यूक्रेन दी सरकार ते उत्थुं दे लोकें दा धन्नबाद बी कीता ऐ।

<><><><><><>

mit Shah-JK

केन्द्र गृहमंत्री अमित शाह होरें जम्मू कश्मीर विधानसभा चुनाएं लेई कांग्रेस ते नैशनल कांफ्रेंस दे गठजोड़ उप्पर जुबानी हमला बोलदे होई कांग्रेस उप्पर सत्ता लेई अपने लालच गी पूरा करने लेई मुखे दी सुरक्षा ते अखंडता कन्ने समझौता करने दा दोष लाया ऐ। इक सोशल मीडिया पोस्ट राएं श्री शाह होरें कांग्रेस दे नेता राहुल गांधी हुंदे थमां 10 सुआल पुच्छे न।

<><><><><><>

Migrant Voting

कश्मीरी विस्थापत मतदाताएं गी जम्मू कश्मीर विधानसभा चुनाएं च सहूलियत देने मूजब भारती चुनां आयोग नै 24 खास मतदान केन्द्र बनाने दा फैसला लैता ऐ। एह केन्द्र जम्मू, उधमपुर ते दिल्ली च बनाए जांगन। कश्मीरी विस्थापत जेहड़े गे जम्मू उधमपुर च राहत शिविरें च रव01'रदे न। ओह अपना वोट 24 मतदान केन्द्र च पाई सकदे न, जिंदे च 19 जम्मू च, 1 उधमपुर च ते 4 दिल्ली च बनाए जांगन। विधानसभा चुनां जम्मू कश्मीर दे 90 विधानसभा हल्के च त्रै गेड़े च करोआए जांगन जेहड़े गै 18 ते 25 सितम्बर गी ते पैहली अक्तूबर गी होंगन।

<><><><><><>

Div.Com Smart City

डिवीजनल कमीशनर रमेश कुमार जेहड़े गै जम्मू स्मार्ट सिटी लिमिटेड दे चेयरमैन बी हैन, होरें जेएससीएल, बाहू प्लाजा च इक समीक्षा बैठक लाई।

इस बैठक च डिजीजनल कमीशनर होरें गी स्मार्ट सिटी परियोजना हेठ चला'रदे बक्ख-बक्ख कम्में बारे मजूदा माली ते ठोस सिीति बारे दस्सेआ गेआ। श्री कुमार होरें पैहले दी पूरी कीती गेदी परियोजनाएं हेठ होए दे विकास कम्में दी संभाल करने आस्तै आखेआ। उनें सरबंधत घडें गी बूह्टें दी कटाई करोआने आस्तै आखेआ तां जे पैदल चलने आले लोक फुटपाथ दा इस्तेमाल करी सकन। उनें नालिएं दी सफाई गी पक्का करने आस्तै आखेआ तां जे पानील दी निकासी सेही तरीके होंदी रवें ते पानी दे किट्ठे होने करी कोई गल्ल सिीति पैदा नेई होए।

<><><><><><>

Chief Secretary

मुख्य सचिव अटल डुल्लू होरें कल प्रशासन, बुद्धिजीविएं ते उद्योग ते हितधारकें कन्नै इक बचार मंथन सत्र आयोजित करोआया जेहदा मकसद मिशन युवा उद्यमी विकास अभियान गी लागू करने आस्तै बेहतर सुझाह ते नमीं सोच गी सांझा करना हा। बैठक दरान मुख्य सचिव होरें हित धारकें कन्नै इस मिशन दे लाह गी नोजवानें तोड़ी पजाने आस्तै जरूरी जानकारी ते सेही रस्ते बारे तफसीली चर्चा कीती।

<><><><><><>